

SARS YI TIYISISA XIBOHO XA NTSWANANO WA MALEMBE YANHARHU NA NEHAWU NA PSA

PRETORIA, Ravumbirhi, ti2 Dzivamisoko 2019 - Vukorhokeri bya Xibalo bya Afrika-Dzonga (SARS), National Education Health & Allied Workers Union (NEHAWU) na Public Servants Association of South Africa (PSA) va pfumelelanile eka ntswanano wa nkarhinyingi wa malembe yanharhu lowu nga na engetelo wa 8% eka Tiphakeji Hinkwato leti Tiysisiweke ta Vatirhi eka Yuniti ya Mbhurisano wa swa miholo eka lembe leri, ku sukela hi ti1 Dzivamisoko 2019.

Eka malembe yambirhi lawa ya landzelaka ya Ntswanano, phesenteji ya engetelo wa miholo yi ta kumisiwa eka CPI leyi kombisiweke ku katsa na 2%.

Leswi swi tisa ku hela hi xihatla ka xitereka lexi humeleleke eka ku tlula masiku yambirhi vhiki leri nga hundza.

Ntswanano wu katsa:

- Engetelo eka nkoka wa **Masagwadi ya Nkarhi** wo leha ya Vukorhokeri hi 8% hi 2019, na miengetelo yo ya emahlweni eka phesenteji yo fana eka engetelo lowu tiyisiweke wa miholo eka malembe yambirhi lawa ya landzelaka.
- Mpimo wa **xengetelo wa Xifi** ya awara wu ta tlhela wu engeteriwa hi endlelo ro fana, hi 8% hi 2019, na le ka phesenteji yo fana eka engetelo lowu tiyisiweke wa miholo eka malembe yambirhi lawa ya landzelaka.
- Ku simekiwa ka muxaka lowuntshwa wa livhi wa **Livhi ya Vuyimani na Nsawutiso** ya 8 wa masiku eka vatirhi lava ringaneleke.
- Ku simekiwa ya nandzelelano wa livhi wa malembe yambirhi eka **Livhi ya Vutihlamuleri bya Ndyangu**, leyi vatirhi va nga ta tirhisa nyiketo wa vona wa 5 masiku hi lembe. Nandzelelano wa livhi wu ta sungula hi 2019.

SARS, NEHAWU na PSA va yile emahlweni va pfumelana ku va tiayitheme tin'wana ti yimisiwa ku ololoxiwa ehansi ka vulawuri bya Foramu ya Rixaka ya Mbhurisano wa Miholo:

- Nxopaxopo wa pholisi ya Muholo mayelana na milawu ya ku ya emahlweni eka swiangi swa mali ya muholo.
- Mihlawulo ya Xengetelo wa Khexe ya GTP ya kumeka eka vatirhi hinkwawo.
- Mihlawulo ya Ndzindzakhombo ya Nkarhi wo Koma yi ta valangiwa exikarhi ka vanyiki va vukorhokeri lava nga ta nyika mipimo ya kahle eka vatirhi va SARS.
- Mihlawulo ya swa tindlu yi ta valangiwa exikarhi ka vanyiki va vukorhokeri lava nga ta nyika mipimo ya bondo ya kahle eka vatirhi va SARS.
- Swkimi swa Mpuneto wa Vutshunguri swi ta valangiwa ku ololoxa mitlhontlho ya sweswi.
- Nxopaxopo wa pholisi ya Livhi ya Vuvabyi leyi Engeteriweke ku ololoxa mitlhontlho ya sweswi.
- Nxopaxopo wa pholisi ya Ntholo ku langutisisa mitlakuso.
- Nxopaxopo wa swipimelo swa pholisi ya Basari leswi tirhanaka tibasari ta vahlayisiwa.
- Langutisisa xikhenso tanihi Nyiko ya Rhithayamente yo Huma eNtirhweni ku fikela eka ntsengo wa R2000, endzhaku ko heta malembe ya rhithayamente ya 65.

Mavandla ya tinyiketerile ku tirha kun'we ku ndlandlamuxa ku tirha hi ku hetiseka, ku antswisa nkholuko wa mali ya tiko, ku antswisa no engetela mipimo ya nandzeleriso.

SARS yi khensa vutinyiketeri lebyi mavandla ya nga byi hoxa eka phurosese leyi, ku katsa na endlelo ro aka laha nkwetlembetano wa njhekanjhekisano wa miholo wu nga hetisisiwa ku vuyisela ntshamiseko eka nhlangano.